

# ՀԱՇՎԵՏՎՈՒԹՅՈՒՆ

13.07.2011թ.

Գ.ԱՐՏԱՇԱՐ

Արմավիրի մարզի Արտաշար համայնքի ղեկավարի 2011թվականի առաջին կիսամյակի աշխատանքային գործունեության վերաբերյալ

Հաշվետու ժողովին մասնակցում էին ավագանու անդամները, գյուղապետարանի աշխատակիցները, դպրոցի տնօրենը, համայնքի բնակիչները և մարզպետարանի ներկայացուցիչ Գոռ Հովհաննիսյանը:

Ձեկույցով հանդես եկավ համայնքի ղեկավար Մ.Օհանյանը, որը ներկայացրեց 2011 թվականի առաջին կիսամյակում իր կողմից կատարված աշխատանքները: Նաև նշեց, որ 2011թվականի առաջին կիսամյակի ընթացքում ավագանին հրավիրել է չորս նիստեր, որի ընթացքում քննարկվել են համայնքին հոգող հարցեր, որոնց վերաբերյալ ընդունված որոշումների մասին հրազեկվել է համայնքի բնակչությանը: Գյուղապետարանը ստացել է 44 շրջաբերական, ուղարկել 61 գրություն և քաղաքացիներին է տրամադրել 117 տեղեկանք:

## 1. Գյուղատնտեսության բնագավառ.

2011թվականի հունիս ամսի տեղացաց կարկուտը ցանքատարածություններին հասցնելով մեծ վնասներ գյուղացիների մեծ մասը զրկվեցին այս տարվա հիմնական բերքից: Մեր կողմից ստեղծվեց հանձնաժողով ստուգվեց կարկուտահարված տարածքները և կազմված արձանագրությունը անվանացուցակով և հեկտարների չափով ներկայացվեց մարզպետարան: Մարզպետի անմիջական հսկողությամբ ձեռնարկվեցին տարբեր միջոցներ գյուղացուն աջակցելու համար և մեզ տրամադրվեց 15կգ. ձմերուկի, 340կգ. եգիպտացորենի, 3,5կգ. կաղամբի, 15կգ. վարունգի, 35կգ ծակնդեղի սերմացու, որը բաժանվեց կարկուտից վնասված հողատերերին ցանքաշրջանառություն կատարելու համար: Գյուղապետարանը իր կողմից ձեռնարկեց տարբեր բնույթի միջոցառումներ կարկուտից տուժած ֆերմերներին աջակցելու համար, գյուղի մեղանիզատորների հետ կազմակերպվել է խորդակցություն և նրանց հետ ձեռք է բերվել համաձայնություն կարկուտից տուժված գյուղացիների հողերի վրա կատարվելիք աշխատանքների համար գումար վերցնել 50 տոկոս չափով: Գյուղապետարանը ջրային ընկերության հետ համատեղ ձեռնարկել է բոլոր միջոցները կարկուտից տուժված գյուղացիներին ոռոգման ջրով ապահովելու համար: Համայնքի 200 հա. հողատարածքներում համայնքի ղեկավարի անմիջական հսկողությամբ ցինկի ֆոսֆիդով պատրաստված գրավչանյութով կատարվել է մկնանման կրծողների դեմ պայքար: 2011թվականի առաջին կիսամյակում հավաքագրվել է սեփականաշնորհված հողի հարկ 950000 դրամ, վարձակալական հողի հարկ 90000 դրամ, գույքահարկ 224000 դրամ: Առաջին կիսամյակում սեփական եկամուտների հավաքագրման վրա իր ազդեցությունը թողեց կարկուտահարությունը, հավաքագրումները շարունակվում են և մեր կարծիքով դժվարությամբ բայց մինչ և տարվա վերջ հավաքագրումները կրկազմեն 90-ից 100 տոկոս:

## 2. Կենցաղ սպասարկման բնագավառ.

2011թ. առաջին կիսամյակում տնտեսությունների կենցաղային պայմանները բարելավելու նպատակով կատարվել է խմելու ջրի անխափան մատակարարում միջինը 7 ժամյա աշխատանքային ռեժիմով, գյուղապետարանի և սանէպիդ կայանի կնքած պայմանագրի համաձայն պարբերաբար խմելու ջուրը ենթարկվել է ստուգումների և կատարվել ախտահանման աշխատանքներ, կատարվել է մասնակի վերանորոգման աշխատանքներ ցանց թարմացնելու և մաքուր ջուր մատակարարելու նպատակով: Կատարվել է աղբահանության աշխատանքներ ամիսը 3 անգամ և համայնքում աղբի կուտակումներ չկան, նաև կատարվել է ճանապարհների խճապատում և հարթեցում:

3. Մշակույթի և սպորտի բնագավառ.

Համայնքում գործում է սպորտային խմբակ և գյուղապետարանի աջակցությամբ մայիս ամսին մասնակցել են 77 առաջնությանը և երկու երեխաներ հախթելով գրավել են առաջին տեղերը, իսկ հուլիսի 26-ին վրաստանում մասնակցելու են կովկասի առաջնությանը և մրցումներին մասնակցելու համար գյուղապետարանը ցուցաբերելու է իր անմիջական աջակցությունը ,տարվում են աշխատանքներ սպորտը զարգացնելու ուղղությամբ: Գյուղապետարանը սերտ համագործակցում է դպրոցի հետ, կազմակերպում է միջոցառումներ և միջոցառման մասնակից երեխաներին հանձնվում է նվերներ: Կանանց միազգային օրվա կապակցությամբ թոշակառու կանանց և հաշմանդամ կանանց համար կազմակերպվել է տոնական միջոցառում և տոնի կապակցությամբ նրանց հանձնվել նվերներ: Տարվում է աշխատանքներ մշակույթի և սպորտի զարգացման ուղղությամբ:

4. Սոցիալական բնագավառ.

Գյուղապետարանի անմիջական ուշադրության կենտրոնում են սոցիալապես անապահով ընտանիքները, հաշմանդամները և թոշակառուները: 2011թ. առաջին կիսամյակում սոցիալապես անապահով 4 ընտանիք դիմել է դրամական օգնության խնդրանքով և գյուղապետարանը չընթերցելով նրանց խնդրանքը տվել է դրամական օգնություն: Գյուղապետարանի ջանքերի շնորհիվ « Դիակոնյա» բարեգործական կազմակերպության կողմից 50 ընտանիք ամսական մեկ փաթեթ ութ կիլոգրամ տարողությամբ սննդամթերք է ստանում,սոցիալապես անապահով 14 ընտանիք ստանում են ընտանեկան նպաստ,տարվում է աշխատանքներ բոլոր ուղղություններով գյուղի սոցիալական վիճակը բարելավելու նպատակով:

5. Համայնքի հիմնախնդիրները

- 1.Խմելաջրի ցանցի նորացում
- 2.Ճանապարհների ասֆալտապատում
- 3.Մշակույթի տան վերանորոգում
- 4.Մանկապարտեզի շենքի կառուցում
- 5.Գյուղապետարանի շենքի կառուցում

Արտաշարի գյուղապետարանը աշխատավարձի,սոց վճարումների և այլ ծառայությունների հետ կապված պարտքեր չունի:

Արտաշար համայնքի բնակիչները գյուղապետ Մ.Օհանյանի գլխավորությամբ իրենց խորին երախտագիտություն են հայտնում Արմավիրի մարզպետ պարոն Ա.Ղահրամանյանին խնդրելով ուշադրություն դարձնել համայնքի հիմնախնդիրներին:

Արտաշար համայնքի  
ղեկավար



Մ.Օհանյան

13.ՀՈՒԼԻՍԻ 2011 ԹՎԱԿԱՆ  
ԳՅՈՒՂ ԱՐՏԱՇԱՐ